



# USAID Ekonomija energetske efikasnosti - 3E

OD AMERIČKOG NARODA



## Godina energetske efikasnosti u Kantonu Tuzla

USAID-ov projekat Ekonomija energetske efikasnosti (3E) je zajedno sa UNDP-om i općinama Kantona Tuzla, kao i Kantonom Tuzla održao konferenciju kojom je označen početak aktivnosti „Godine energetske efikasnosti u Kantonu Tuzla“.

Kako bi aktivno promovisali energetske efikasnost, obnovljive izvore energije i upravljanje energijom u javnim zgradama i komunalnim sistemima, trinaest načelnika Kantona Tuzla i Premijer Kantona Tuzla su potpisali **Energetsku Povelju** kojom se obavezuju na promovisanje održive energetske budućnosti u njihovim općinama i Kantonu.

U sklopu „Energetski efikasne godine u Kantonu Tuzla“, USAID 3E će fokusirati svoje napore na dvije strane: jedna je tehnička pomoć općinama pri uspostavljanju strukture za sistematsko upravljanje energijom, a druga, edukativnog karaktera sa ciljem podizanja javne svijesti.



Tehnička pomoć je započela imenovanjem osoba ili čitavih timova zaduženih za energetske efikasnost (ovisno o veličini općine) koji će biti pokretačka snaga naših aktivnosti na uspostavi pristupa sistematskog upravljanja energijom. Upravljanje energijom je process kontinuiranog praćenja potrošnje da bi se otkrila i korigovala pretjerana potrošnja energije, a sve u cilju smanjenja troškova koji se odnose na energiju. Prvi cilj je bio uspostava polazne potrošnje energije u općinama i ovi rezultati su pokazali da je u 2012.godini gotovo 5 miliona BAM potrošeno na energiju u javnom sektoru u Kantonu Tuzla. Ovo je značajan iznos koji potvrđuje da se provođenjem mjera energetske efikasnosti mogu ostvariti značajne uštede.





# USAID Ekonomija energetske efikasnosti - 3E

OD AMERIČKOG NARODA

USAID 3E će nadalje podržati općine u provođenju mnogih energetske pregleda zgrada i pripremi studija izvodljivosti, koje će kasnije biti korištene kao praktični primjeri na treninzima i radionicama za općinske službenike. Ovo će pratiti i studije slučaja urađene na osnovu 17 pilot projekta implementiranih od strane USAID 3E projekta u BiH, koje će bogatim znanjem i domaćim iskustvom dopuniti ove radionice.



Panonska jezera, 25. avgust 2013.g.  
Rad fotonaponskih panela



Živinice, 26.09.2013.g.  
Promocija prve Info tačke u Tuzlanskom kantonu

Pored tehničke podrške, planirana je sveobuhvatna javna kampanja koja uključuje uspostavu Info Centra za energetske efikasnosti u Tuzli. Centar će biti središte mreže Info tačaka koje će biti postavljene u svakoj općini, a služiti će kao mjesto za razmjenu informacija za građane koji će imati na raspolaganju i pomoć od strane obučeni energetskih savjetnika. EE Info Centar će biti i mjesto gdje građani, studenti i profesionalci mogu razmjenjivati informacije i organizovati zanimljive prezentacije. Također, EE

Info Centar će nastojati da postane i mjesto gdje se susreću ponuda i potražnja tehnologija energetske efikasnosti, mjesto gdje kompanije mogu predstaviti svoja rješenja i ostvariti kontakt sa mogućim kupcima.

U planu je i održavanje školskog časa “Misli na sutra” gdje će se pojmovi energetske efikasnosti i obnovljivih izvora energije predstaviti našim najmlađim; obrazovne TV emisije i medijska kampanja su samo neke od planiranih aktivnosti. Podrška nedavno osnovanom Studentskom energetskom klubu Tuzla će biti glavni pokretač ovih aktivnosti.

Cilj USAID 3E projekta je napraviti sistematski pristup upravljanja energijom u jednom dijelu BiH koji će se kasnije moći replicirati širom zemlje, kao i stvaranje pogodne klime za investicije u oblasti energetske efikasnosti kroz edukaciju i informisanje građana o mogućnostima ovih tehnologija.



Tuzla, 30.11.2013.g.  
Potpisivanje Pisma obaveze za EE Info Centar